



## Ministam Uqauhiit

Nunaliujugut nakuqpiaqtumi Aviktuqhimajumi. Nunagijavut ikajuqtuqtai ilia hilarjuarmi anginiqpat hunnumaittut halumajut nunamittutuqat uumadjutit. Aihimaviat aalatqiinik huradjanik: tuktut, ivaviit najugait aullaviit tingmianik uvalu kilgaviit, imailu iqaluqaqtut tatamajut iqalungnik. Atuqpiaqhimanilgit atuqhimaningi pinnirnilu, aktuqtauhimaittutlu nunagijait katipkaqtait inungnik humitliqaak tamainnit hilarjuarmit piqpiarninik maniraqhiurniq atuqhimanit.

Nunagijavut nunaqaffungittuq allatqinik, atuqhimanit takuminarnitlu. Nunamittutuqavut ilitquhitlu pitquhituqqat piqatigiinivutlu nunamun ikajutauhimajut ikpingniptingnut kinaujakhait inailu, atuqpiaqtutlu ilagijait kinaujaptingnik.

Nunavutim aviktuqhimajumi min'nguiqhirviit munaridjutiqaqtut akhuurnaqtut pitquhikkut nunat uvalu avatingit tapkua atadjutiqaqtut haffumunga Inuit inuuhiinun. Nunavut atauhiq talimaujuq aktilaanga Kanatap uvalu nangarijait malrungnik-pingahunik hinaani. Aviktuqhimajup piniqtut nunait uvalu imaqarniit, hapkua pulaaqtitivaktut inungnik tamainin avatiinnit nunarjuamit, amigaittut aallatqiit, uvalu najugait ilangit angijumik aallatqiit uvalu qajangnaqtut huradjat nunami. Nunavutim Aviktuqhimajumi min'nguiqhirviit najugait munaridjutikhat, quviahuutit, uvalu quviagilugit nunangit tapkua pidjutiqaqtut pitquhiptingnun uvalu idjuhianun ilitquhiptingnun.

Atauttikkut, Nunavutim inugiangniit maniliurutitlu aglivalliajut pipkaidjutlu nutaanik akhurutauni nunami. Iltarijavut piqarnia pijalgit ihuaqhihimani pivalliatittiniq nunguttailinirlu hapummininut Nunavutim nunamittutuqat ilitquhiliqutitlu pitquhiit uvaluniit inait atuqpiaqtut uvaptingnut.

Hapkununga pidjutaujut, quviahuktunga qaitqublutit ilaulutit pivallianirmun nutaamik, havaktauhimajug Nunavunmi *Aviktuqhimajumi Min'nguiqhirvikkut Maligat*.

Katimadjutit havaktauliqtut tamaini nunallaani tuhaablugit ihumaaluutait inuit mikhaagun aviktuqhimajumi min'nguiqhirviit maligait. Uqaqtatit uvalu ihumaaluutigijaitit hivuliqhutauniaqtut Kavamatkunun Nunavunmi pivallianirmun haffumunga akhuungnaqtumun nutaamun maligamun.

Una uqaqatiriigutikhaq makpiraaq piliuqtaujuq tunihijamingni naunaiqtakhainik inungnut tigumiaqtiinutlu, uqatiariangani atulirumajaujut pigiarutinik naunaitunik ihumagijaujunik, ikajurianganilu inungnik uqauhirijangani inmik ihumagijamingnik uqauhiujunik uqautaujuni.

Akhuurhaqtatka tamaita Nunavunmiut tigumidjutiqaqtullu qajagittiaqtumik ihivriuqplugin ihumaluutaujunik uqautigijakhait uumani titiqqamik. Akhuurhaqtaffilu upautiluhii ilauluhilu inungnun katimapkaijuni katimaniaqtun Nunavunmi nunallaani. Akhuungnatqiaq, kihimi, akhuuqhajaffi tunihilutit uqaqtarnik ajuqhautinun tunijaujut uqautaujukhanik titiqqani uvalu

tamaita aalat ajuqhautit kitut ukpirijatit ihariagijaujut pivallianirmun nutaanik,  
ilauqatigiingnikkut uvalu tamatingnirmik *Aviktuqhimajumi Min'nguiqhirviit Maligat*.

Ilaudjutitit piliuqtaaqtagut *Aviktuqhimajumi Min'nguiqhirviit Maligat* tapkua  
ihuaqhijuumiqhimajut hapkunanga Inuit Qaujimajatuqangit uvalu pidjutiaqtagut tikinahuarutit  
uvalu piumajait Nunavunmiun hapkununga aviktuqhimajuni min'nguiqhirviit.

Quana,



**Daniel Qavvik**

Minista

Havagviat Avatiliqijitkunni

## **Hunanik tadja pivakpagit umani *Aviktuqhimajumi Min'nguiqhirviit Maligat***

### **Hunauva tamna *Aviktuqhimajumi Min'nguiqhirviit Maligat?***

Aviktuqhimajumi *Min'nguiqhirviit Maligat* maligaujuq havaktauhimajuq hapkunanga Kavamatkunin Nunavunmi uvalu angiqtaublutik Maligaliuvingmin. Tamna Maligat turangajuq tapkununga kihimik aviktuqhimajumi min'nguiqhirviit iluani Nunavutmi, turangangittuq minnguiqhiqvingnut munarijauni tapkunanga Min'nguiqhirviit Kanatami uvaluniit haamlanit.

### **Qanuriliuqqa tadja *Maligat?***

Tadja Aviktuqhimajumi *Min'nguiqhirviit Maligat* titiraqhimajut maligatigut ataniudjutit haffumunga Ministamun Avatiliqijiinun, kivgaqtuqhugit Kavamatkut Nunavunmi, upalungaijailutik, havaklutik, aulapkaijaangani, uvalu munagilugit aviktuqhimajumi min'nguiqhirviit.

Piliuqtaa min'nguiqhirviit naunaijautait auladjutit, pijakhat uqaqatigilugit Inuit tukhiqtaujut min'nguiqhirviit, uvalu pipkaiblutik angirutinik havaktaulutik mikhaagun auladjutinun uvalu ihuaqhainikkut nunavunmi min'nguiqhirviit.

Pillahipkakhugit aturni min'nguiqhirvik pijunautit munarininut allatqit aturni hulinilu aviktuqhimajumi min'nguiqhirviit, naunaiqtai huliniit hulinilu pittailijaujut aviktuqhimajumi min'nguiqhirviit, pipkarnilu tikuaqtauhimani tapkuat Ataniujuq Min'nguiqhirviit ukuallu min'nguiqhirvi havaktit aturahuitaqtitni tapkuat *Aviktuqhimajumi Min'nguiqhirviit Maligay* piqatailu maligait.

### **Qanuriliuqqa tadja *Maligat pilimaittangit?***

Tadja *Aviktuqhimajumi Min'nguiqhirviit Maligat* atugitaagani atugitaaganiluniit aturniginik Inuit agunahuarnikut ihumaqhuutinik Aviktuqhimajumi Min'nguiqhirviik.

Tadja *Aviktuqhimajumi Min'nguiqhirviit Maligarmi* atugitaagani atugitaaganiluniit aturniginik Inuit agunahuarnikut ihumaqhuutinik amin'nguiqhirviik.

## **Nutaaq *Aviktuqhimajumi Min'nguiqhirviit Maligat***

### **Huuq piqariaqaqqita nutaamik?**

Tadja una *Aviktuqhimajumi Min'nguiqhirviit Maligat* atuqtauvaktuq Nunatsiamin uvani 1999. Himmauhiqtaujukhaq taimaa:

- Nunatsiarmi pivikhaqarnigit nanijaulajut iluani *Aviktuqhimajumi Min'nguiqhirviit Maligarmi* atuqtaulimaittut Nunavunmut piiqtaujut;
- Tamna *Aviktuqhimajumi Min'nguiqhirviit Maligat* malikhugit iluaniitut haffumani Nunavunmi Nunataarutaanut Angirutaa;



- Tamna *Aviktuqhimajumi Min'nguiqhirviit Maligat* malikhugit Ataani Inuit Aktuumattaqtunit Ikajuutikhanut Angirutaa ukununga Aviktuqhimajumi Min'nguiqhirviit Nunavut Nunataarviup Iluaniittut;
- Tamna *Aviktuqhimajumi Min'nguiqhirviit Maligat* ilaliutihimajut haffumunga Inuit Qaujimajatuqangit;
- Tamna *Aviktuqhimajumi Min'nguiqhirviit Maligat* maliqajakhait kanatami uvalu nunarjuami pijakhanginik;
- Maliganun ajuqhautit uqautajut taimailiuriani angini maligakhat pijaangini nakuutqiatigut atuqtaujut/uqangnikkut maligat aalani nunani;
- Iluaniittut uvani *Aviktuqhimajumi Min'nguiqhirviit Maligat* kitut pidjutiaqtut ajuqhautinik maligatigut idjuhiit unguvaqtaujut uvaluuniin uqautaukpata; uvalu
- Aviktuqhimajumi min'nguiqhirviit Nunavunmi havaktaujaangini taimailiuriani angini Havagviat Avatiliqjittut ihuaqtumik aturiangini munaridjutikkut ataniudjutit uvalu maliqajakhainik pijakhangit, aviktuqhimajumi min'nguiqhirviit.

## **Hunat nutaat *Aviktuqhimajumi Min'nguiqhirviit Maligat* pinginiaqqatigik?**

Nutaaq *Aviktuqhimajumi Min'nguiqhirviit Maligat* titiraqhimaniaqtut maligatigut ataniudjutinik aalakiini pidjutajuni, kihimi pilimaituq:

- Havaklugit piliurniitigut nutaat aviktuqhimajumi min'nguiqhirviit;
- Havaklugit tungaviit havauhikhanun aalat qanuriniit tamaqtailinikkut uvaluuniin munaridjutiaqtut najugait;
- Havaklugit anguniagahat anguniaqviit uvaluuniin havaklugit aktilaangit atautimun anguniagahat;
- Pittaililugit pittaililugillu atuqtaujut Inuit uvalu Nunaqaqaqtut anguniarnikkut pilaarutit.

## **Pivallidjutikhat Nutaaq *Aviktuqhimajumi Min'nguiqhirviit Maligat***

Uvani 2002, Kavamat Nunavumi, Nunavut Tungavik Timiujug, Kivalliq Inuit Katimajit, Kitikmeot Inuit Katimajit, Qigiqtanilu Inuit Katimajit sainiqhihimajut Timiujumi Inuit Aktuaninik Ikajuutiniklu Agiqatiriigunmik Nunavumi Min'nguiqhirviit Nunavumi Nunagijainik (Nunami Min'nguiqhirviit IIBA). Tamna Umbrella Aviktuqhimajumi Min'nuiqhirvingit IIBA hivunikhangit talvani Naunaitkutmi 8 talvani Nunavut Nunaqaqaqhimajunik Angirutaani.

Attauhiq pijakhaq iluani Ataani Aviktuqhimajumi Min'nguiqhirviit IIBA pivallidjutajug Aviktuqhimajumi Min'nguiqhirviit Pinahuarutit kitut atuqtauniaqtut qujaginaq hivungani Aviktuqhimajumi Min'nguiqhirviit' atugakhait uvaluuniin maligatigut ihuaqhaidjutit. Akkungangni 2017 unalu 2020, *Kajjausarviit*: Nunavunmi Min'nguiqhirviit Pinahuarutit havaktauhimajut hapkununga Nunavunmi Ilauqatigiingnikkut Upalungajautit uvalu Munaridjutikkut Katimajit

hapkununga Aviktuqhimajumi Min'nguiqhirviit, pihimablugit Titiqqani Aviktuqhimajumi Min'nguiqhirviit IIBA uvalu katimaqatigiblugit nunallaat piqaqtut aviktuqhimajumi min'nguiqhirvik.

*Kajjausarviit:* Nunavunmi Min'nguiqhirviit Pinahuarutit angiqtauhimajut hapkununga Kavamatkunin Nunavunmi uvani 2021.

Ilaupluni pivallialiurnikkut *Kajjausarviit:* Nunavunmi Min'nguiqhirviit Pinahuarutit, Kavamatkut Nunavunmi uvalu Nunavunmi Ilaumatigiingnikkut Upalungaijautit uvalu Munaridjutikkut Katimajit hapkununga Aviktuqhimajumi Min'nguiqhirviit havaktait tamatkiumajunik katimadjutikkut havauhiit uvalu katimaqatigiblugit 14 nunallaat tapkua piqaqtut atuqtaujunik uvaluuniin tukhiqtaujuq aviktuqhimajumi min'nguiqhirviit. Uqautaujut katimadjutinin atuqtaujut aularutaanun naunaijagianganani ajuqhautit uqautaulutik pivallianingmun nutaaq *Aviktuqhimajumi Min'nguiqhirviit Maligat.*

Una Uqautigijaujuq Titiraq pidjutiqaqtuq tualuni (12) ajuqhautinik uvalu ihumagijaujut tapkua Havagviat Avatiliqijitkut ukpiguhuktut ihagiahuktut ihumagijaujukhat uvalu uqautaulutik nutaami *Aviktuqhimajumi Min'nguiqhirviit Maligat.*

# Ihuittuq #1: Naunaijaqhimajut Auladjutit hapkununga Aviktuqhimajumi Min'nguiqhirviit

## Naunaitkut

Aviktuqhimajumi min'nguiqhirviit naunaijautait auladjutait atuqtaujut min'nguiqhirviit imaa tunihilitik naunaijaqhimajut qanuriniit tapkua pidjutiqaqtut akhuugutait uvaluuniin hivulirmik hulidjutikhaa min'nguiqhirviit, munaridjutait, tamaat idjuhia, uvalu anginiqhait pivallianikkut pijaarnigit. Naunaijainikkut auladjutit ilitugipkaidjutut tapkua inuqarnigit, uvalu taimaagaaluk ilauhimaarniit nunamun, uvalu akhuugutigiblugit aulahimaaqtumik inungnun aturniit; uqautigihimablugulu ihagiahungniq munaridjutikhanik akhuurnaqtuq idjuhiit uvalu pitquhikkut najugait, tamaqtailiblugit aadjikiingnikkut nuna uvalu pitquhiq pihimablugu nakuuniqhaq maniliurnikkut pijakhat tamaqtailiblugit.

Aviktuqhimajuq min'nguiqhirviit naunaijautait ihumaliugutaujut atuqtilugu pivallianikkut haffuma Min'nguiqhirvup Havauhiluangata Upalungaijautit.

## Tadja Qanurinit

Tadja *Aviktuqhimajumi Min'nguiqhirviit Maligat* naunaijaijut hapkununga tallimat min'nguiqhivingnun naunaijautait qanuriniit:

- **Idjuhiit Avatingit Ulapqidjutikkut Min'nguiqhirviit** tamaqtailijaangani idjuhia avatingit tahapkununga min'nguiqhivingnun ikajuutikhat, iliharnikkut uvalu quviahuutigilugu inungnun.
- **Hilami Hulilukaaqviit Min'nguiqhirviit** tunihijaangani pijakhanik hilami hulilukaagutininik inungnun.
- **Nunallaat Min'nguiqhirviit** tunihijaangani hilami hulilukaagutininik ikajuutikhanik kitunun nunallaanun.
- **Hivituniit Min'nguiqhirviit** tunihijaangani quviagijaunikkut, ihuarnikkut uvalu niamngijaami aullaagtunut inungnut.
- **Ingilgaarnitat Min'nguiqhirviit** tunihijaangani tikuaqtauhimajut uvalu itqaumanikkut ingilgaangnitat uvalu ingilgaangnitat najugait uvalu nunatik iliharnikkut uvalu quviahuutigilugit inuit.

## Tukhiqtaujut Atuqtakhangit

Kajjausarviit: Nunavunmi Min'nguiqhirviit Pinahuarutit tukhiqtut talimanik min'nguiqhirviup naunaijautait qanitut:

- **Uumajunut Pimmariuninginnut Min'nguiqhirviit** tunihijut munaridjutikhanik avatingit, akhuurnaqtut huradjaat najugait uvalu pitquhikkut nunat inmi idjuhiit, uvalu tunihijut pijakhanik min'nguiqhivingnun pulaaqtunun atugiangini aallatqiit idjuhiit avatingit tapkua atuqtaujut tamaini aviktuqhimajumi.

- **Nunalingnut Min'nguiqhirviit** tunihijukhat munaridjutikharnik hanigaingit atuqtauvakhimajut Inuinarnin kinguliujunikluuniit pitquhiliqinikkut katimajit kingulirmi, hanigaingitlu quviahuutigijauvakhimajut Nunavunmiunin ublumi ulapqijunik hulilukaaktunik. Nunalingnut Min'nguiqhirviit tunihijut ulapqidjutinun atungnikkut uvalu ilitquhikkut quviahuutit, uvalu munaridjutihait idjuhiit uvalu pitquhikkut tautungnaqtut tapkua tunihijut hulilukaagutinun min'nguiqhirvingmi.
- **Inuit Nunagiqattaqsimajatuqanginni Min'nguiqhirviit** munarivaktait nunat ingilraarnitat pitquhikkutlu atuqpiarniaqtut Inuit nunamingni, avikturviinni aviktuqhimajumilu. Inuit Nunagiqattaqsimajatuqanginni Min'nguiqhirviit tunihimaaqtun munaridjutikharnik pitquhiliqinikkut ilihairutikharnik tautuminaqtunikluuniit aituhimaanginaqtun munaridjutikharnik atuqujaangatlu ilitquhingnik Inuit kinguliujunikluuniit pitquhiliqinikkut katimajinun.
- **Tulliniliit Min'nguiqhirviit** tapkua kikliqaqtut min'nguiqhirviit tapkua naunajaqhimajut kuugait, ingilgajaat, huradjaat aulaviit, uvalu aalat pihugviit akiit munarijaangani nunap uvaluuniin ikajuutit Nunavunmi, uvaluuniin apqutait anginiqhait Inuit ilitquhiinun. Tulliniliit Min'nguiqhirviit tunihijut tamaqtailinirmun atadjutit qitqani akhuurnaqtut pitquhikkut tautungnaqtut uvaluuniin avatingit. Tulliniliit hivituniaqtuq uvaluuniin hiliktilaanganik pijakhaq pidjutigilugit kikliit, uvalu naunajaqtauniaqtut munaridjutikhanik taimaali nunamingni, avikturniini uvaluuniin aviktuqhimajumi anginiqhait.
- **Tupirviit Min'nguiqhirviit** tunihijut aulaaqtitinikkut igluqpait nunallaani uvaluuniin idjuhiatigut pihimajut. Tupirviit Min'nguiqhirviit itpaktut hanianiluuniin nunallaat nauhimajut najugait, uvalu tunihijut hiniktarviit tamangnun nunamingni uvalu hilataani pulaaqtut tapkua ihuaqhijuumigutijut hulilukaarnikkut pijakhanik uvalu nunamingni aquinikkut pijakhanik. Tupirviit Min'nguiqhirviit qujaginaq aktilaangit pijakhat tunihijaangani qajangnaitumik uvalu atuguminaqtumik tupiqarviit igluqpinikkut.

Tukhiqtaujuq tamna nutaaq *Aviktuqhimajumi Min'nguiqhirviit Maligat* aturlugu qanuriniit naunajaqhimajut uvani Kajjausarviit: Nunavunmi Min'nguiqhirviit Pinahuaruti.

### **Apiqqutit**

Piqaqa aalanik min'nguiqhirviit naunajautinik qanitunik tapkua ihumagijaujukhat ilauqatigiingnikkut uvani Aviktuqhimajumi Min'nguiqhirviit *Maligat?*



## **Ihuittuq #2: Unniudjutit Qanutinniitigut hapkua Aviktuqhimajumi Min'nguiqhirviit**

### **Naunaitkut**

Tautuminaqtunik kiudjutikharniklu iniqtiqhimavakhimajut talvuuna qilaminuaq ilituqhaidjutikharnik Nunavunmiunun talvuuna kihititirutikharnik havaaqhangit, havaaqhangit, hulilukaarutikhangitlu.

### **Tadja Qanurinit**

Piqangituq maligaujunik aturiaqaqtunik Havagviat Avatiliqijitkut inuit unniudjutit qanuriniganik aviktuqhimajumi min'nguiqhirviit. Havagviat Avatiliqijitkut tadja tunihijut ukiuq tamaat nhapkununga Havaqatigiingnikkut Upalungaijautit uvalu Munaridjutikkut Katimajiit munaqhijut aviktuqhimajumi min'nguiqhirviit.

### **Tukhiqtaujut Atuqtakhangit**

Tukhiqtaujuq tapkua Havagviat Avatiliqijitkut inungnun unniudjutinik qanuriniitigut aviktuqhimajumi min'nguiqhirviit pingahut ukiut, tugaaqhimalugit unniudjutit kangiqhipkarlugit Nunavunmiun uvalu tigumidjutiqaqtut qanuriniit min'nguiqhirviit upalungaijautait, min'nguiqhirviit auladjutait, ilitquhikkut quviahuutit, Pinahuarutit, uvalu aqunikkut.

### **Apiqqutit**

Qaffiiqturlutik piliuqtukhauvat Havagviat Avatiliqijitkut unniudjunmik qanurittakhanik aviktuqhimajumi min'nguiqhirviit?

Hunanik kangiqhidjutikhanik ilaujukhat hapkunani unniudjutini?

## **Ihuittuq #3: Atiqtaunikkut, Hivunikhaliurutait, Ukpirijait, unalu Inuit Qaujimajatuqangit**

### **Naunaitkut**

Ilangit maligat ilaujut hivunikhaliurutit uvalu ukpirijait titiraqhimajut kitut titiraqhimajut qitqani ukpirijait uvalu hivunikhaliugutit kitut pidjutituaqtut hapkunanga *Aviktuqhimajumi Min'nguiqhirviit Maligat*, uvalu kitut havaktauhimajut kangiqhipkarlugit maligat *hapkua Maligat* pidjutait. Ilangit maligat naunaijaqhimajut kinamun, uvaluuniin hunat, min'nguiqhirviit akhuuqtut. Unaluttuq, nutaat maligakhat piliuqtauhimajut iluani Nunavunmi iliurajjut Inuit Qaujimajatuqangit.

### **Tadja Qanuririt**

Tadja *Aviktuqhimajumi Min'nguiqhirviit Maligat* uqatiagituq qanuq Inuit Qaujimajatuqagitunik ilaliutiniganik qaujipkarniganikluniit Maligat, uqatiagiturluniit pijutauniganik *tautuktuujaaqtauniganikluniit aviktuqhimajumi min'nguiqhirviit*. Tamna *Maligat* ilitaqhingittuq hivunikhangit atuqtakharnikluniit aviktuqhimajumi min'nguiqhirviit, piqangitkumilu aviktuqhimajumi min'nguiqhirviit naunaitumik pidjutikharnik.

Kajjausarviit: Nunavunmi Min'nguiqhirviit Pinahuarutit naunaijajut tautuktuumijaaqtatik, havaktakhait, tikhahuagutait, uvalu hivunikhaliugutit ilaujut hapkununga aviktuqhimajumi min'nguiqhirviit. Pidjutigiblugillu Inuit Qaujimajatuqangit hivunikhaliurutait uvalu Inuit inuuqatigiingnikkut akhuurutigijangit haffumunga aviktuqhimajut min'nguiqhirviit upalungaijautainun, havaktaunikkut, munaridjutikkut, uvalu auladjutainun.

### **Tukhiqtaujut Atuqtakhangit**

Tukhiqtaujuq tapkua "Hivunikhaliugutit uvalu ukpirijait" titiraqhimajut ilaliutijukhat hapkununga *Aviktuqhimajumi Min'nguiqhirviit Maligat*, kitut naunaijaqhimajut qitqani ukpirijait, hivunikhaliugutit, uvalu ihumagijajut haffumunga Inuit Qaujimajatuqangit ilaungmata upalungaijautainun, atulirniitigut, munaridjutit, uvalu auladjutait aviktuqhimajumi Min'nguiqhirviit Nunavunmi. Tukhiqtaujuurlu tapkua akhuurutit titiraqhimajut ilauniaqtut.

### **Apiqqutit**

Kinamut, hunamutluuniit, aviktuqhimajumi min'nguiqhirviit atiqtauniaqqat?

## **Ihuittuq #4: Aturahuaqtittinirmik tapkuat *Aviktuqhimajumi Min'nguiqhirviit Maligat***

### **Naunaitkut**

Maligaliqijut hulidjutit pijakhat pijaangini tapkua *Aviktuqhimajumi Min'nguiqhirviit Maligat* uvalu pitqujaujut pittiaqtaujut pulaaqtunin min'nguiqhivingnun, uvalu pulaaqtut ihuitumik hulaqutiqangitut atungniit uvalu quviagilugit Min'nguiqhirviit aalanun.

### **Tadja Qanuririt**

Tadja *Aviktuqhimajumi Min'nguiqhirviit Maligat* pipkaijuq Ministaujuq tikuaqhijaagani Min'nguiqhirviit, havaaqaqtuq munarinniganik atuqtitpaaliriaganilu Maligat maliruagakhalu aviktuqhimajumi min'nguiqhirviit. Pipkaijurlu Ministaujuq tikkuqhijaagani min'nguiqhirviitup havaktiinik ikajuriagani munarinigagut atuqtitpaaliriaganilu *Maligat* maliruagakhalu.

### **Tukhiqtaujut Atuqtakhangit**

Pijaangani amigairjuumilugit auladjutikkut ihuaqtumik, tukhiqtaujut tamna nutaaq *Maligat* ajungnaitqijauniaqtuq tikuaqhilutik min'nguiqhirviit havaktiit imaa tunihilutik Aulapkaijimit Nunavunmi Min'nguiqhivingnun uvalu Taijauhijaujut Nunat pijaarnigit tikuaqhilutik min'nguiqhivingnun havaktinun. Tukhiqtaujullu tapkua havaktit akhuurutigilugit *Maligat* ilaujut Uumajuliqijit Havaktiit, Avatimun Hapsumminirmut Havaktit, tamaita ilaujut hapkununga Piliihimat, Haamlat Maligaliqijit, ukualu Min'nguiqhivingnun Atangujat uvalu Maligaliqijit Havaktit ataani Kanatami *Nunarjuami Min'nguiqhirviit Maligat*.

Unaluttauq, tukhiqtauhijaujut tamna Aulapkaijimit Nunavunmi Min'nguiqhirviit imaalu Amirijaujukhat Nunait tunijauhungujut tikkuqhilutik inungnik ihuaqtunik ajuittakhainik imatut Min'nguiqhirviitup Munaqtuujunit, naunairiiqhimajunik maligaliqinikkut hakugiutikhainik havaktakhainiklu tunijaujukhanik Aulapkaijimit.

### **Apiqqutit**

laliutihijaujut hapkununga aviktuqhimajuni Min'nguiqhirviit Havaktit, kitut pijaaqqat akhuugutigilugu una *Aviktuqhimajumi Min'nguiqhirviit Maligat?*

## **Ihuittuq #5: Akiligakhat ihuinaarutainun ukunani Aviktuqhimajumi Min'nguiqhirviit**

### **Naunaitkut**

Akiliqtakhat itiqtauhimajut inuit pipkaqtauvaktut ihuinaarangamik maligarmik.

### **Tadja Qanurinirit**

Ataani nutaaq *Maligarmi*, kiklikhanga ihuinaarutinga ihuinaarutimut \$500 akiliqtakhaq unalu/unaluuniit 30 ubluni itiqtauhimajut. Talvanga ihuinaarutit tigumiaqtut kiklinganik akiliqtakhangamik qaangiutilimaittuq \$1,000 unalu/unaluuniit siksini tatqiqhiutini itiqtauhimajut.

Aalat maligahat Nunavunmi, ilaujut *Uumajuliqinikkut Maligat* uvalu *Avatimun Happumminirmut Maligat*, piqaqtut angijumik akiligahanik ihuinaarutinun ataani inmi Maligait.

### **Tukhiqtaujuq Atuqtakhangit**

Tukhiqtaujuq tamna nutaaq *Aviktuqhimajumi Min'nguiqhirviit Maligat* nutaanguqtirlugit akiligahat iluaniit pihimajaangini aalat nutaat Nunavunmi maligahat. Taimatut, una ilaliutiniaqtuq tunigiami hivitujumik aallatqiinik akiliqtakhanik taimaa iliuraqtaugiami taimaa ihuaqtumik ihuinaarutimut. Una ilaqalaaqtuq agitqijamik mikiniqhamik akituniqhaniklu akiligakhanik, akituutqijanic akiligakhanik kiguani ihuinarutinik, akituutqijaniclu akiligakhanik kuapariisiujunut.

### **Apiqqutit**

Hunanik akiligakhaqarniaqqat ihuinaarutainun aviktuqhimajumi min'nguiqhirviit?

Ihuinaarutiqaqqat aallangavat ihuinaaffaaqtunut?

## Ihuittuq #6: Havagvigjuat Hulilukaarutikhait

### Naunaitkut

Havagvigjuat hulilukaarutikhait tukhiqtauniaqtut havaatigut kivgaqtuqtunin pilutik aviktuqhimajuni min'nguiqhirvingni, uvalu naunaijaqhimajut pijakhat qanuq tukhiutit uqautauniaqtut.

### Tadja Qanurinit

Tadja *Aviktuqhimajumi Min'nguiqhirviit Maligat* ihuaqhigitut havagviujunik hulijutinik.

### Tukhiqtaujuat Atuqtakhangit

Pidjutikhanga nutaap *Avikturvianni Min'nguiqhirviit Maligat*, Tukhiqtaujuq tapkua havagvigjuat hulidjutait naunaijaqhimajut ilaulugit anguniarnikkut ikajuutit, qujaginaq hulidjutit pittiarlugit ujugakhiuqviit uvaluuniin ujugakhiuqtut, ingilradjutit, tuhaqtidjutit, qujaginaq hulidjutit pittiarlugit nutaanguqtaaqut uvaluuniin nutaanguqtaaqut auladjutit ikajuutit (imaa uqhurjuat, kaasit, imakkut-algujaqtuqtut, hiqinikkut, anugikkut, nunap iluani) uvalu ilaujut igluqpinikkut. Havagvigjuat hulidjutit tapkua tukhiqtaujuat iluani aviktuqhimajumi min'nguiqhirviit ihumagijaujukhat uvalu aularutilutik, kihimi pidjutiqangniaqtut min'nguiqhirvingnun Nunallaat Ilauqatigiingnikkut Upalungaijainiq uvalu Munaridjutikkut Katimajiit (CJPMC) angirutait, Nunavunmi Avatilirinirmut Katimajiit (NIRB) angirutait, Nunavunmi Imaliqijiit Katimajiit (NWB) angirutait, uvalu pijakhalgit min'nguiqhirvikkut laisit ihuaqtumik atugahanik uvalu qanuriniitigut. Malikhugit Nunavunmi Nunataarutaanut Angirutaa unalu Ataani Aviktuqhimajumi Min'nguiqhirviit IIBA, unguvaqtirutaa hanaujarnikkut ujaqqat hamanga aviktuqhimajunin min'nguiqhirviit ilaulimaitut qujaginaq iluaniitut uvaluuniin pijakhat mikhaagun havagvigjuat hulidjutainun. Min'nguiqhirviit Nunavunmi hilataani Nunavut Nunataarviup Iluani malingniaqtait inmi angirutait havauhiit.

### Apiqqutit

Piqaqa aalanik aturniqaqtunik uvaluuniin aulaqtitlutik tapkua ihumagijaujukhat havagvigjuat hulidjutait?

Piqaqa kitut havagvigjuat hulidjutit tapkua pijaaqtut uvani aviktuqhimajumi min'nguiqhirviit?

Piqaqa kitut havagvigjuat hulidjutit tapkua pijaulimaitut aviktuqhimajuni min'nguiqhirviit?

## Ihuittuq #7: Maliqajakhangit nunataarutit angirutait

### Naunaitkut

Piqatigiigutait qitqani *Aviktuqhimajumi Min'nguiqhirviit Maligat* uvalu Nunataarnikkut Angirutaa naunaijaqtaujukhat, uvalu ihuiguuutit uvaluuniin ihuangitut uqautaujukhat.

### Tadja Qanuririt

Tadja *Aviktuqhimajumi Min'nguiqhirviit Maligat* tikuaqhiqut hatqirniganik min'nguiqhirviit pijutiqaqtut aturiaqaqtunik qanuriniginiklu nunaqaqqaqtut nunataarutit nunagijaujumi.

### Tukhiqtaujut Atuqtakhangit

Tukhiqtaujuq tamna nutaaq *Maligat* maliktauluni hapkununga Nunavunmi Nunataarutaanut Angirutaa. Talvuunaluaq, tamna *Maligat* ilautitijukhaq kituliqaak kangikhidjutikharnik pidjutikharniklu naunaiqtauhimajut talvani Nunavunmi Nunataarutaanut Angirutaa taima aulahimajut aviktuqhimajumi Min'nuiqhirvingit, naunaijaangatlu naunairutikharnik talvani Nunavunmi Nunataarutaanut Angirutaa talvuuna kituliqaak ihualuangitumik ajungnautiqaqtunik akunganiitunik *Maligat* unalu Nunavunmi Nunataarutaanut Angirutaa.

Aadjikkutaanik, *Maligat* ajikutavjanik ilitaqhijariaqaqtukhaugaluq Eeyou Marine Nunataarnikut Angiqatiriiktaujumi, Nunavik Inuit Nunataarutit Angiqatiriingniginik, pivikhaqariaganilu maliruakhanik ahiinik hivunikhami manikhaakhaniklu angiqatiriingniginik.

### Apiqutit

Piqaqa kitut hunat uvaluuniin uqautaujut hmani *Aviktuqhimajumi Min'nguiqhirviit Maligat* tapkua ihagiahuktut inmi piqatigiingnikkut hapkununga Nunavunmi Nunataarutaanut Angirutaa (uvaluuniin aalat Nunataarnikkut Angirutaa Nunavunmi) hivumut naunaijaqhimajut?



## **Ihuittuq #8: Ilaumatigiiklutik Inuit/Kavamatkut Min'nguiqhivingnun Upalungaijautit uvalu Munaridjutikkut Katimajiit**

### **Naunaitkut**

Havaktaunia, auladjutait, uvalu munaridjutikhait hapkua aviktuqhimajumi Min'nguiqhirviit tadjja havaktaujut kavamatkunin Nunavunmi uqaudjinikkut hapkununga munaqhijunun katimajiit. Nunalaani Iliqatigiikhutik Upalungaijaivakhimajut Munaridjutikharnik Katimajiit (CJPMCs) timiujut taima upalungairutikharnik munagijaangatlu naunaitunik minnguigvikharnik, unalu Nunavunmi Iliqatigiikhutik Upalungaijaivakhimajut Munaridjutikharnik Katimajiit (NJPMC) ilauhimaagtun nunaptingni tamaat min'nuiqhiringit hanaqidjutikhangit.

### **Tadja Qanuririt**

Ilaumatigiingnikkut Inuit/Kavamatkut Min'nguiqhirviit Upalungaijautit uvalu Munaridjutikkut Katimajiit kitut naunaijaqhimajut uvani Nunavunmi Nunataarutaanut Angirutaa uvalu havaktauhimajut ataani Min'nguiqhivikkut IIBA, uqautaungitut uvani *Aviktuqhimajumi Min'nguiqhirviit Maligarmi*. Tamna *Maligat* naunairutiqaqhimajuq min'nguiqhirviit Katimajiinun, ilitarijaangatlu qanuq inuit tikkuaqtauniaqtun, qaffiujut ilaujut talvani katimajiinun, unalu ilitaqhijangat taima katimajiit ilituripkaktauniaqtun talvuuna hanaqidjutikharnik talvuuna piliuqhimajunut, auladjutikharnik munaridjutikharnikluuniit aviktuqhimajumi min'nguiqhirviit.

### **Tukhiqtaujut Atuqtakhangit**

Tukhiqtaujuq tamna *Maligat* nutaanguqtiqtauluni pidjutigilugit Nunavunmi Nunataarutaanut Angirutaa pijakhat havaklugit Havaqatigiiklutik Inuit/Kavamatkut Min'nguiqhivikkut Upalungaijautit uvalu Munaridjutikkut Katimajiit. Aadjikutaanik ihariagijaujut pijuuq uumunnga piliurninnga atan'ngujat uqaqatigiiktumik ikajuqtiujut katimajiingit takuinnarialik uumani Nunavik Inuit Nunataarutit Angirutinginni unalu Eeyou Marine Region Land Claims Angirutinginnit. Humi ihuaqqat, iluaniit tadjamin Ataani Min'nguiqhirviit IIBA ilaliutiniaqtut, taimaalu pijaangini iluaniit aalanguqtirlugit hivungani Aviktuqhimajumi Min'nguiqhirviit IIBAkut aivadjutigijaujut uvaluuniin angiffaaqtauffaqtut.

## Ihuittuq #9: Min'nguiqhirvikhanut naunaijariikhimajut hivunirmi tukhiqtaujunun Min'nguiqhirvikhanut

### Naunaitkut

Tamna min'nguiqhirvik tutquumajuq inaa atulirumajaujuq aviktuqhimajumi min'nguiqhirvik munarijaunialu inaanut pivikhaqarnia pivigijaunia aviktuqhimajumi min'nguiqhirvik. Una naunaijautaa tapkua *Aviktuqhimajumi Min'nguiqhirviit Maligat* pidjutiqangniaqtut kitunun najugaanun tapkua tutquqhimajut qaniniit. Tamna tutquumajuq qanurittakhanik piiqtaujuq taimaa nuna tikkuqaqtauhimajuq taimaa nunavunmi min'nguiqhirvik, ihumagijaulimaiqturluuniit aviktuqhimajumi min'nguiqhirvik.

### Tadja Qanuririt

Tadja, tukhiqtaujuq min'nguiqhirviit tapkua havaktaungitut ataani *Aviktuqhimajumi Min'nguiqhirviit Maligat* pidjutiqangitut qujaginaq ilanginun *Maligarmi*. Taimaittumik, akhuuqhainikkut *hulidjutit ataani Aviktuqhimajumi Min'nguiqhirviit Maligat* pijaulimaitut. Qanuriniitigut najugait tukhiqtaujuq aviktuqhimajumi min'nguiqhirviit, najugaa munarijaujuq ataani *Kamisinap Nunatigut Maligat* uvaluuniin *Aviktuqhimajumi Nunatigut Maligat*, uvalu akhuugutigiblugit tapkua Maligat pijaaqtut. Humiinmangaat tukhiqtaujuq aviktuqhimajumi min'nguiqhirviit uvani Inuit Nanmininga Nuna, tukhiqtaujuq aviktuqhimajumi min'nguiqhirviit munarijaujuq hapkunanga Aviktuqhimajunin Inuit Katimajiit.

### Tukhiqtaujuq Atuqtakhangit

Atulirumajaujuq *Maligat* nutaaguqtiqtaujaagani ilaqariangani ajungininganik tikkuqaqtaujaangani kituni atulirumajaujuq aviktuqhimajumi min'nguiqhirvik ilipqamajauniganik saivani ukiuni. Nunguningani saivani ukiuni pivikhaqarningani, inigijaujuq iniriirniaqtuq aviktuqhimajumi min'nguiqhirviik, nunaluniit ihumagijaujariaqaruirmat inikhamik atulirumajaujumik aviktuqhimajumi min'nguiqhirviik tutquumajulu qanuriniganik atuqtaulimagituq. Aviktuqhimajumi min'nguiqhirviit tutquqhimajut qanuriniit ihumagijaulimaitut havaktauhimajut Aviktuqhimajumi min'nguiqhirviit.

### Apiqqutit

Piqaqa kitunun qanuriniitigut tapkua tukhiqtaujuq Aviktuqhimajumi min'nguiqhirviit munagijaujukhat tadja pihimajunun hivuani hapkua havaktautinagit aviktuqhimajumi min'nguiqhirviit?

## Ihuittuq #10: Anguniarnikkut Pilaarutit Pijaangnirmunlu hapkununga Aviktuqhimajuni Min'nguiqhirviit

### Naunaitkut

Pidjutiqaqtut kitunun iluaniit haffumani Nunavunmi Nunataarutaanut Angirutaa, Inuit akiitut uvalu Maligatangitut pilaarutit pijaarnirmik hulidjutikhanun anguniarnikkut tamainun nunanun, imakkut uvalu tagiumi najugaini hamani Nunavunmi Nunataarviup Iluani, ilaujut aviktuqhimajumi min'nguiqhirviit. Aadjikutavjanik pivikhaqarnigit nanijaujut iluani Eeyou Imarmiutani Nunataarnigani Nunataarnikut Angiqatiriingnigani Nunagijaujumu Nunataarnikut Angiqatiriingniginik nunagijaujumi nunataarnikut nunani Nunavumi.

### Tadja Qanuririt

Iluani aviktuqhimajumi min'nguiqhirviit, Inuit pilaarutait pijaarnirmik anguniarnikkut pidjutiqaqtut qujaginaq malrunnik angirutinik ukua Inuit hulaqutijut uvalu munaridjutikkut timiqutilgit hapkua aviktuqhimajumi min'nguiqhirviit. Tadja, piqangittut angirutinik atuqtaujunik.

Titiraqhimajumi 2 haffumani *Aviktuqhimajumi Min'nguiqhirviit Maligat* naunaijajut tapkua Maligat pittailingitut uvaluuniin pittaililugit atungniit Inuit pilaarutait anguniarnikkut hugadjatigut uvaluuniin pilaarutit pijaarnirmik atuqtaujut malikhugit *Uumajut Maligat*. Kihimi, Titiraqhimajuq 8 mikhaagun Min'nguiqhirviup Atungnikkut Laisit uvalu Titiraqhimajuq 12 mikhaagun Pittailidjutit ihuangitut hapkununga Inuit pilaarutainun pijaangnirmun anguniarnirmun ataani Nunavunmi Nunataarutaanut Angirutaa.

Inuit pilaarutait pijaarnikkut hapkununga aviktuqhimajumi min'nguiqhirviit tunijaujut angitqamik naunaijaqhimajut uvani Ataani Min'nguiqhirviit IIBA.

Ilaliutihimajut qujaginaq aalat pilaarutit pijaarnirmik uvalu aturlugit quviagijaujut imaa uvaluuniin aulablutik Inuinangnun, Inuit uuktuqtut akiitumik aviktuqhimajumi min'nguiqhirviit.

### Tukhiqtaujut Atuqtakhangit

Tukhiqtaujut tapkua *Aviktuqhimajumi Min'nguiqhirviit Maligat* naunaijaqhimajut tapkua pilaarutit pijaarnikkut anguniarnikkut pidjutiqaqtut haffumunga Min'nguiqhirvingnun Aturnikkut Laisimik. Aallamiklu tukhiqtaujut aallamik naunaittumik tunijaujuq naunairiami Inuit ilauttaaqut hulilukaarutini pijut angunahuarnirmut piittumik nunavunmi laisimik laisilluuniit piqangittumiklu pipkaidjutinganik nunavunmi taaksiliqininnanik akinganikluuniit, unalu, unalluaq, kikliqaqhimaittumik imatut:

- Aullahimaittumik tahamani uvaluuniit Min'nguiqhirvingmi;
- Tangmaarvikhangit kituliqaak najugaani Min'nguiqhirvingmi;
- Aturlutin qujanginaq igluqpangmik Min'nguiqhirvingmi qajangnaqhikpat uvaluuniit hilarluliqqat qanuriniit;
- Ingniurlutit uvaluuniin aturlutit hakhaqattarmik hiurjungmik min'nguiqhirvingmi;
- Aullaarniq uvani uvaluuniin haffumuuna Min'nguiqhirvingmun;

- Aulatitilugit qajaq qujaginaq najugainin Min'nguiqhivingmi; unalu
- Pihimaluni uvalu anipkaqlugu hiqqutit uvani Min'nguiqhivingmi.

### **Apiqqutit**

Inuinnaungittun kikliqaqtukhat anguniarnirnin uvani aviktuqhimajumi min'nguiqhirviinni?

Itiqtukhauva avikturnianni min'nguiqhirviit akiittut tamainut inungnut?

## Ihuittuq #11: Igluqpannuat Ukuallu Tangmarviit

### Naunaitkut

Igluqpannuat ukuallu ahianiittut haniqpaniilviit piliuqtauniarunaqhijut avikturnianni Min'nguiqhirviit, imaalu naunaittiarlugit pijariaqaqtut qanuqtut ihuaqhaqtauniaqqa.

### Tadja Qanuririt

Nunavunmi Nunataarutaanut Angirutaa naunaiqhijut Inuit piliuqtaaqutut nunamik haniqpani tangmarviit avikturnianni min'nguiqhirviit, kihianik piliurningat haniqpani tangmarviit ihuangittut pitqujauhijunuk avikturnianni min'nguiqhirviit munaqhidjutikhanut upalungaijautikhat.

Tamna Umbrella Nunatagaujuq Minnguiqhiqvit Inuit Aktuani Ihuaqtitlu Angirutit (IIBA) unniqtuqtai akungani igluqpannuat tapkuatlu hilataani tangmaaviit, tangmaqtutlu tangmaaviit nunaliujuq minnguiqhiqvik, piplugit angiqtauni nunatagaujumi minnguiqhiqvik aulatauni parnaut.

Tadja Aviktuqhimajut *Minguiqhiriit Maligaq* uqautigingitait igluqpat uvaluuniin maniqami aulaaqtitijut.

Igluqpannuat talvaniittut avikturnianni min'nguiqhirviit, kihimi nanminirijait humiititlu tamaita iglunnuat ilihimajaungittut.

### Tukhiqtaujuq Atuqtakhangit

Tukhiqtaujuq tapkua igluqpat uvalu maniqami aulaaqtitiblutik ilitagijaulutik hapkunanga *Aviktuqhimajumi Min'nguiqhiriit Maligaq*, uvalu tapkua havauhiit iliugaqtaulutik pittiangiangani uvalu atuguminaqtumik qanuq naunaijagiangani uvalu munagilugit aulaaqviit uvalu anguniaqnikkut pilaarutit-pihimajut igluqpannuat. Aadlamiklu pitqujaujuq igluqpat unalu maniqami aulaaqtitaujut munarijaujukhat, akiittumik Inuinnainut, min'nguirvikmut laisinga, nunannga atuqtitaujuq, unaluuniit inuqarniq laisinik. Una upautiniq pijakhaqaqtuq pijaangini min'nguiqhivikkut timiqutilgit unguvaqlugit qitqani pilaagutit-pihimajut iglut uvalu ukiaghat maniqamiit angiqtauhimangitut inuit, uvalu ikajuqhugit ihuaqtumik inungnun nunami munaqhiqjut hapkunani aviktuqhimajuni minguiqhiriit.

### Apiqqutit

Pijukhaukpat ulapqinikkut igluqpanik pidjutiqangittun anguniarnikkut-pilaarutainnun itiqtauniaqtun uvani nunavunmi min'nguiqhiriinni?

## Ihuittuq #12: Pipkaqtaujukhat Pittailijaujut Hulilukaarutikhait

### Naunaitkut

Pitqujaujut ihariagijaujut tunihilutik naunaijaqhimajunik hunat pulaaqtut pijaaqtut, uvalu pilimaitait, havaklugit aviktuqhimajut minguiqhiviit.

### Tadja Qanuririt

Tadja *Aviktuqhimajumi Min'nguiqhirviit Maligat* pipkaijut maligahanik havaktaulutik mikhaagun hapkua hunat/hanaqidjutit:

- Pittiaqhugit minguiqhiviit atuqniinut laisit tukhirautilu minnguiqhiqvikmun atuqniinut pijunit;
- Akiit min'nguiqhiviup atungnirit laisit;
- Munariblugit atungniit uvalu pivallianikkut ikajuutit aviktuqhimajumi minguiqhiqvikmi;
- Nunalaani hiniktaqviit, niriviit najugait allatlu nunalaani iglurpangit aviktuqhimajumi min'nguiqhirviit;
- Naunaijaqhugit kitut igluqpinikkut igluqpait uvaluuniin aalat igluqpait aviktuqhimajut minguiqhiviit;
- Pittiaqlugit atugahat tautuktaujaangini havauhiit nanminiqaqqtut aviktuqhimajut minguiqhiviit; unalu
- Qujaginaq pijakhat havaklugit hulidjutit uvalu iluaniitut hapkua *Aviktuqhimajumi Min'nguiqhirviit Maligat*.

### Tukhiqtaujut Atuqtakhangit

Tukhiqtaujuq tamna nutaaq *Aviktuqhimajut Minguiqhiviit Maligaq* angiklijuumiqlugu pijaaqniq maligahanik havaktauluni mikhaagun hapkua hunat/ajuqhautit:

- Tanganik aturnia
- Uumajut
- Igluqpannuat ukuallu maniqqami iglungit tangmarviit
- Higaarlungnitigun aturnia
- Iluviqarviit ukuallu iluviqhiviitlu
- Pitquhikkut hulilukaarutit
- Kinmiqtuqhutik
- Drone aturnia
- Maniit tamaqhimajut uvaluuniin ahiguqhimajut piqutit
- Akhaluuttit
- Nipiquqtujut uvalu kuinginnaqtut
- Ulapqinikkut huliakhainnik
- Pulaaqtut atiliurvia
- Iqqaqurviit
- Haniqpami aquinikku hulidjuhiinik



Naunaijaqhimajut maligahat havaktauniaqtut qakugu, humi nutaaq *Aviktuqhimajumi*  
*Min'nguiqhirviit Maligat* atuqtaukpata.

### **Apiqqutit**

Kitut hulilukaarutikhat pittailijaujut hamani aviktuqhimajumi min'nguiqhrvingmi?

Hunat hulidjutit pipkaktaullajukhat aviktuqhimajumi min'nguiqhrvingmi?

Hunat hulidjutit pipkaktaullajukhat munarijaujukhauvat uvani aviktuqhimajumi  
min'nguiqhrvingmi?

